

四庫全書

集部

欽定四庫全書

泰泉集卷五

明 黃佐 撰

七言古詩

臨江道中

正德己卯

蕎麥花開山翠飛腰鎗翁孺愁相依金川道上風波急
玉笥山前烟火微長鯨已墮黃石磯大將猶擣龍虎旛
翩然揚袂者誰子陌上酣歌緩緩歸

曉發盧溝望京城有感

庚辰

大車殷地揚塵起小車軋軋鳴不已蒼涼似是長安日
嗚咽元非隴頭水玉輦南行築將臺九重宮闈何崔嵬
盧溝橋上闌干曲不似行人腸九迴

馬上偶述

南風吹沙作黃霧紫骝嘶踏東華路停鑣引領意悄然
宮樹離離聞杜鵑

哀勞園亡弟傳保及開兒元兒瘞處

瓊樓十二秋無聲龐眉書客乘雲輶珮環宵宵不知處

碧雞啼烟素蟾語人間淚作荆花雨
裯離伊幽夜臺旅白楊酸風吹草花
錦囊餘春散寰宇

虛谷歌贈郭先生

蒼碧相圍雲接山結廬中谷心自閒深林無人野芳發
坐嘯行歌響相答白駒仰秣瑤瑟希足音不聞孤掩扉
翛然默坐圜虛裏萬壑無聲月如水

演騷贈舫丘日者

朝綻余馬登舫丘攀擎桂枝聊淹留翠濤潤養如中流

木蘭為枳沙棠舟邱中人兮清且修逍遙水裔驂飛虬
揚靈弭節光蚴漻芙蓉衣裳纏以蘭翠於孔蓋翩哉繙
冶容妍迹無定端瓊暉藻景搖淪瀾雲霓晵靄矯七盤
褰帷獨往河之干璜琚纂組縞與紈鬢鬢曼睩良可懽
含商咀宮曲未殫浩倡眇語誰不歎飄然乘蹕徯湘岷
斃鷺御霞析木津笑翻碧寥開帝闕指麾黔羸星斗鶴
攝提孟陬窺玉衡群靈豈豈扈且屯衝風夕起波龍鱗
衆芳紛糅窮極研滂心姱目符坤乾然疑不作孚以言

招搖珮履何仙仙九州壽夭耿在天世途埃塈無庸賢
飛鸞在笯鴟乃鳶蹠沒牖原湛淵鞞歌問子胡乃然

憶妾行次曾于陽韻

憶妾別君大河口淚灑蒼天誓相守船旁榜聲如妾啼
船頭水聲作牛吼君家富壓咸陽人玉樓金屋嬌芳春
鸞杯鳳管度朝暮辭家乃與風濤親風濤洶洶願君返
幽幔踈燈耿孤館剔殘蘭烛月猶在落盡棠梨春不管
脉脉停機待君至錦織愁文宛將備時憑鏡聽卜歸期

好語初同俄爾異念君相從多賈人相時射利心胡秦
念君交遊多媚子外平中險如河水君不為憂反為喜
安得長繩係君趾朝來嬉子胥羅幃柳外垂鞭信馬歸
山眉雲鬟為君理一曲尊前金縷衣

夢遊儂吟

大羅天高高衆天夢乘鳳車揮麟鞭捫金歷軫入超忽
下視齊州空九烟天真皇人見我笑示我丹詮啟元寢
元之又元言莫傳元以言傳非道妙拜領天訣葆天和

靈寶在體消群魔斡旋杓斗酌元氣坐令厄劫歸無何
鬱輪駕我出東極呼取星辰擁瑤鳥罡風耳畔吹素雲
瑞葉琪花滿層碧

高吟行贈別楊惟仁

紺園碧院花木深招風呼月長相尋與君對酌縹玉酒
酒闌繫劍時高吟栖鴉翻露月當席老鶴警霜風滿林
尊前不覺肝膽露銅龍歷歷天沉沉看君意氣何蕭爽
玉井冰壺坐中朗但記歡娛有歲年豈知擣別生俄響

太行雲接晉水濱秋花錦石相鮮新君持使節往問津
攬環結珮猶逡巡逡巡未已拂鞭去河橋曉日新豐樹
紫駒跑空塵作雨弦苦分違遽如許彈冠溪君奉明主

月夜登王子小樓放歌

西山蕭爽掌與平絳河渟月秋有聲白榆丹桂何歷歷
登樓一坐心眼明王郎愛客歌侑觴倡酬况是詞場英
疎鐘近戶風漠漠雜花遠徑雲冥冥剥梨舉火訝斗落
園鶴時作摩天鳴酒酣為子歌慷慨軒冕且付形骸外

車如雞栖走蹤蹤富貴何如取酣快鯢鵬肯怯天池遠
鯷鮒只見蹄涔大朝市於今嫌我真舊山尚覺長饑在
王郎為我添濁醪相逢能幾尊前豪讀書徒自愴駒隙
涉世無乃紛牛毛雞鳴庭樹宿鶩起東方皛皛須更高

廳前槐樹歌為少傅蔣公賦

廳前古槐誰所植藤蘿到天雲覆地磊落似是英雄姿
扶持詎識神明意父老相傳百載餘共瞻羽葆聽笙竽
森森不數月中桂歷歷還同天上榆離奇葱蒨真堪憶

主人久作瀛洲客夢裏花黃桂水秋望中雲淨湘山碧
當時燕坐凝妙香卷簾對爾清晝長蕭瑟恍聞雷雨入
天矯欲逐蛟龍翔鷁池亦有當時樹不是當時舊遊處
金蓮夜自九霄歸玉珮晨從三殿去遂令函夏歌時雍
植槐種德將無同花開葉脫自時序太虛無語昭元功
更間來使傳消息蒼蒼不改當年色白鹿貞松祇自長
青牛文梓寧論直槐乎槐乎無與倫力排搖落閑鴻鈞
在昔海棕逢杜甫尚欲移栽向北辰

觀柯學士手植雙柏有感追次西涯韻

雙柏亭亭翠成匝
鷁池六月秋蕭颯
柯偃偃去餘芳聲
手澤猶存敢輕狎
霜皮露葉幾經年
崔嵬欲與雲霄肩
維持本自荷真宰
典刑尚想司文權
翁蒼色競西山與
異
領勢憑鰲極長夜寒
杓斗入掩映畫永珍
禽鳴下上孤高迥
與塵滓隔勁直不為
尋尺枉封植勤渠信
有人振屨岩廊接清響
三槐當日期三公至今名
與旭日東燕詒祇為孫子計
何以為國收群龍
六檜有堂昭斧鉞

妨賢無乃羞兒童廣儲棟桷作時用此事自足馨無窮
援琴一奏高山調柏也為我呼天風

題畫貓為丁大章

黃金臺前白日孤終風吹雨泥長遙流光向我馬上徂
歸來客舍一事無蘭燈熒熒明槁梧中夜起坐思江湖
有鼠有鼠繁有徒瞀瞀索中視則逋爾黠驚倒眉山蘇
買魚穿柳無狸奴眼中狸奴不可呼擊劍為爾歌嗚嗚

劉與清尚書夫婦八十壽謌

吳門八月天宇涼弧南婺北相輝光洞庭琪花滿遙碧
震澤萬頃來銀潢蓬瀛恍惚落人世君家翁姥如劉綱
方瞳如月鬢如雪意者紫府傳丹方桃都瑤水入圖畫
蒼精雲旗開渺茫滿堂賓客正繁會鵠弦龍管催行觴
膝前驥子森起舞遠堦玉樹參差長酣來歷歷話疇昔
憶從花縣升岩廊端冕青春靜鷓鴣埋輪白日銷豺狼
至令人誦大司寇蘭臺棘寺多風霜碧油幢底足氛垢
挂冠歸去鱸魚鄉春秋久閑椿更老冰雪侵凌萱自芳

翁今八袞姥望九耳間堯舜新垂裳萬年至治付鼓腹
摩挲老眼窺滄桑

三芳行

少司徒席公少嘗道涪江夢有石浮於江刻
曰三仲聯芳既而登第其弟春彖接武甲科
人以為奇驗素翁為三芳夢紀余因歌之

蜀江魚龍吹混茫凌乘倒景浮蒼蒼雷騫電躍不可測
驚濤勢欲搖雍梁衝撞未已激為碧萬里一色如天長

川后陽侯靜不發水花雲葉參差光鳥疑明鏡不敢下
我泛扁舟如燕翔此時水面光怪出有石有石隨蘭漿
天書神篆炯可識赤日下照金琳琅三芳有兆自茲始
天豈有意登賢良當時一夢落洲渚覺來漁唱空斜陽
紅衣翠帶散秋色江木策策鳴烟霜黑甜鄉中盡烏有
境投真妄心俱忘豈知此夢太神巧於嗟三仲今聯芳
于嗟三仲今聯芳高名合沓登岩廊黃金繫肘笏滿牀
紫荆花發春醪香花前高歌嘉樂張二十五絲招鳳凰

鳳凰雍雍帝道昌矢心共補山龍裳嗟石可轉海可桑
流芳會與天無疆

燕歌行壽陸憲副

朔風蕭蕭越水波碧洲肆兀雲羞峩瓊軒珠綴臨丹阿
玉杯錦席紛綺羅吹竽繫筑奏雲和逶迤鸞舞雜鳳歌
態妍曲妙體僂僂微聞鄉澤飄芰荷娟娟蘭玉連枝柯
銀魚朱紱光盪摩賓從鞍馬金盤陀搖舷載酒鳴鶴鵝
梅花雪落覆綠莎嚶嚶谷鳥啼松蘿觥籌凌亂星轉河

當空璧月揚素娥，豸冠一笑鶴髮皤。朱火照耀蒼顏酡，
千金為壽豈云多。歲歲年年奈樂何。

北風篇贈文衡山待詔

輕陰漠漠飛朔鴻，雪崖冰柱連烟空。銀缸入夜照瑤瑟，
坐擁青綾聞北風。北風浩浩吹南極，飛蓬滿天堪歎息。
銅龍錯落誤昏曉，朱鳳威垂失顏色。騷騷屑屑斷復連，
據梧細聽寒不眠。鯤鵬變化搏碧落，虎兕呌嘯愁蒼烟。
有時悠揚入寥廓，妙韻奇音相間作碧梧翠竹競竽籟。

漢女胡姬合弦索又如鮫室鳴杼機萬靈洶湧乘潮歸
老蛟怒挾片雲立海水瀟瀟皆倒飛吾聞風自土壤起
搖蕩青蘋千萬里蘭臺詞客謾雌雄大塊何心乃如此
憶昨與君同燕娛瓊簾綉幕圍彤爐坐中酬勸不知暮
門外寒威何處無出門勢欲捲平地幽棲咫尺何由至
褰衣似怯寒浪湧刮面不數錐刀利歸來大笑行路難
豈知跬步成關山百年鴟鴞貴行樂何用跋涉摧心顏
君今未得揚帆去歸夢飄蕭滿煙霧浩歌一曲江南春

北風吹落三花樹

九疑篇紀遊作

九疑連巒接南斗
顧視群山駿奔走
三湘秀色如虹橫
萬壑虛濤作雷吼
雷吼虹橫自古今
搖吹牧唱愁人心
春秋牲玉薦明祀
褰帷誰復來登臨
全侯自是循良者
夙駕行春度平野
桃花開落訟庭靜
邀我尋幽舜祠下
我來曉逐東風行
千樹萬樹皆流鶯
六鰲感岱谷神動
鬚鬚箭韶天際迎
天際相携躡飛步
自笑登高未能賦

輕袂飄飄縈紫氣曲磴盤盤出蒼霧蒼霧紫氣長不消
木石欹側鹿豕騎重華靈墳莽何處英娥淚竹空蕭蕭
此邦路隔關河外豈有鳴條墓炎海倦勤已矣復來巡
抱弓者曾誰在嗚呼野死胡足稽金輿蕪沒山鳥啼
陟方之說誤千古珮無言春日西日西秉燭斜岩欵
笑向全侯嫌晝短多露驚看征旆濕靈風忽送清笳滿
歸來祠下月微明颺颺垂裳如有聲明朝拜別巾車去
更聽流鶯消客情

都城引送陳七表兄之橫浦

都城十月塵如山朔風吹雪行路難侵晨我已駕馬出
薄暮始隨棲鳥還下馬入門見兄到張燈與兄拂巾帽
三年不得奉顏色一觴且共開懷抱兄之大父我外翁
聲價昔震蓬萊宮家有圖書出秘府兄能取次藏胷中
此時吐露惟衷欵笑談滾滾良夜短促膝翻愁朱火盡
榮牕忽見金波滿相看本是同根生世態悠悠安足評
天涯未易輸肝肺海內誰云皆弟兄我隨玉節別君去

荆門夢結烟中樹隴頭兩見秋雲飛又向都城得相聚
都城閣道從天開虎豹為關鸞鳳臺簪纓無數不敢到
兄以材賢長往來兄辭家久常思母天遣為丞向橫浦
萬樹梅花道板輿一水何曾隔鄉土兄今十月出都城
風景如前非合併孤舟明日河橋路微雨蕭蕭無限情

秋夜吟贈別信臣士疇二同館

霜清月皎南鴈翔海懷霞想馳故鄉登艤浩歌秋夜長
鳴琴擊筑飛玉觴葭下紫鱗低復昂踟蹰執手上河梁

臨伊望洛迴中腸與子同稠星歲多獵精守元栖禁坡
龍驥翼翼金盤陀越阡度陌相經過笑談如天懸九河
騫鵬舞鳳鳴蛟鼈宿昔之樂今則那南箕北斗光有爛
別子良易會日難自從逶珮辭鸕鷀建我藩輔命自天
揚靈擊汰踰江山綠水浩浩雲漫漫歲月婉晚多苦顏
長河有洲山有微我徂於征忘渴飢倚門何歎歎式微
紫燕踏雲天上歸彈冠振纓志莫違我且與子娛春暉
臨歧齋咨何所為

中宿篇遊清遠峽山寺作

中宿之山吁壯哉山顛蘭若崢嶸開兩厓夾束怒濤湧
湍鑰二曜走萬雷林壑蒼蒼莽交互北夢南雲入回顧
帝子來遊不記春柔櫓輕鷗自朝暮我來披翠上上方
憶從蘿幌聞妙香舊遊回首十年夢天風吹我芙蓉裳
山僧與話盡茫昧玉環金鐸今何在半雲亭子故依然
誰構曾軒屹相對曲磴盤盤窮渺渺眼眵足趼不自知
淌前叢竹舞風葉映水恐是青蛟螭崎嶇西轉穿茆入

和光洞古烟光濕燭龍下照開積陰仰聽元蟬嘯風急
起來燕坐形神清魚鳥嬉恬如有情忽聞雲外暮鐘動
殷殷似聞飛泉鳴攀條尚欲搴瓊藥荷鍤還思尋石髓
賞餘興極且登艤月出金樞浩如洗向來探歷無乃勞
憑虛舒嗟天為高岩居川觀夙所願世間龍護真毫毛
江干擊汰羨清夜與客開尊共傾瀉且置萬事聊歌呼
飛來之說知有無

端午張黃門燕集分韻得細字

張君蒼鬚如擁戟起家龍泉重當世我昔幽栖祇樹林
倫郎視我猶兄弟君來奮鬚發高論意氣豪雄畧文藝
尊前擊劍星斗動月下放歌鸞鶴唳倫郎一去未言返
招隱無人賦叢桂聚散於今又一時赤墀青瑣多留滯
長安咫尺不相見松筠寂寞門長閉端午開尊延我曹
賓從過逢得偕詣芳精清酌溢筵几艾葉榴花滿庭砌
興酣徙倚前榮下促膝相歡談往歲火雲消盡暮天碧
空翠時時落巾袂世事追思盡萍梗人生那得無根蒂

嗟我亦是江海人感時歷歷慙匡濟翠管銀釅不可求
細葛香羅復誰製闌詩懷古三嘆息嗚呼盛事何由繼
燕俗到今傳角黍湘累終古傷蘭蕙黃金高臺未蕭瑟
南薰古殿猶佳麗盍簪乍可開懷抱彈冠且莫誇遭際
張君愛客不知暑執熱傳觴轉容裔酒闌揮手謝君去
纖月當空凱風細

瓶山小隱為胡少參

鴻鈞幽晦不可見眼前突兀皆靈踪有山如瓶翠當戶

青天不數金芙蓉摩挲歎爾誰所鑄欲詰真宰嗟無從
頗聞混茫胚爾質列缺辟歷鎚成峰汲井可以及千里
儲粟豈特逾萬鍾斗杓挹酒爾堪貯嗒然默默知有容
臨溪仙人顧爾笑若作麴蘖煩天翁烟霏護足肖壺首
日月照背成龜蒙巨靈挈之不假器陰陽為炭何年鎔
分江濟渴澤可注守口銘座雲長封世途塵鞅未能掉
對此吸秀清心胷仙靈遄邁集鸞鶴元氣浩浩流杉松
葦房蘭室敞天地練要服食忘春秋冬粵山霞侶儻相見

與爾共佩蒼精龍

劍歌行發桂林作

對酒劍歌行路難墨雲當天凝作山渴龍怒卷海濤立
空林颭颭如人入跳珠白雨騰元間迴看平陸皆成灘
僕夫戒予行莫急蒼皇中道何嗟及停車拱極之飛樓
紫騮不嘶旌旆愁跋烏楊光忽垂地驛吏衝泥亦來至
翼予乘霖上前途斧薪作糜勤僕夫逡巡飯罷出林薄
麥雉引雛鳴角角

十載行二首贈王子崇

十載之前我在燕與君相好隨鶯遷十載之後我歸粵
與君相好聽鶯別聽鶯走馬朝玉京玉京十二樓五城
山龍垂衣御紫清羨君輸丹達天扁彤雲縹渺拂綺楹
手持金鏡耀日明聖皇得一天下貞壽萬萬歲垂鴻名
十載之前與君同彈冠射策明光宮十載之後與君異
薜蘿幽棲謝朝市燕雀豈知烏鳥情麋鹿耻隨龍虎爭
浩然溟涬同此生羨君衣彩天邊行三十六等彩鳳鳴

東王西母連雲輶聖皇達孝天下平壽萬萬年流頌聲

送龔少叅歸田三首

我之田矣東之臯公之出矣攀倪旄愛而不見心煩勞

倚雲望久雨聲歇松壑瀟瀟生夜濤

公之往矣南之浦我之歌矣振林莽帝車無聲燭龍舞

昨晴今雨庸詎知眼前浮雲安足數

衡門反鑽春泥深薔薇花開明素琴公之行矣成孤吟

十年離合歎歧路脉脉長江空此心

中秋登樓賞月分得宵字

彤樓十二連斗杓層軒珠綴臨空堯象筵綺組相招邀
繡茵文轂停華鑣兕觥屢酌銀燭銷商雲斐亹開碧寥
圓暉炯若英瓊瑤出自金樞行玉宵重輪五色成錦幖
兔宮桂斧如可徼霓裳羯鼓龢儻韶浩倡妙舞生神飈
縠羅山立香澤飄素娥青女空復嬌含顰流盼心志搖
絃裝重整雙鳳翹夜闌翡翠棲蘭苕清光難盈花易凋
人生行樂湏久要願言百歲同今宵

瑟調曲四首壽陳天游府尹

月蟾臨戶星鳥翔開春發歲舒青陽笙鳴瑟作嘉樂張
謳和揚阿協宮商帝臺縹玉盈鶴觴綺肴蘭俎珍屑香
振纓裁弁紛滿堂錯衡瓊轂鳴驪黃翡翠帷翠幕華燭光
朱明承夜樂未央緩聲浩倡壽無疆歲歲年年長樂康
碧瞳綠髮天與齡緋衣繡黻臨紫京鬱葱佳氣鍾山明
虎符魚鑰開夜城長江如帶流德聲五龍雲卧珠海清
浮丘羽人授黃庭蒼松丹桂冬不蕭乾坤一氣魄載營

齊光日月食玉英開軒獻壽寶瑟鳴歲歲年年長合
并和風習習吹華池瑤階玉樹蘭滿枝綵衣屢舞鴻鵠驚
齊笙趙瑟薦羽卮雕盤繽紛翠釜馳五音繁會陳雅詩
羣靈豐豐駐雲螭鸞迴鶴跡吹參差清彈妙舞坐忘疲
河翻月墮星稀共言為樂不可支歲歲年年壽無期
天闕洞開何峩峨太儀發輶升紫霞麟車翩翩鳴鳳珂
仙之人兮紛如麻頗望南極行且歌彤弧瑞彩映若華
九陽晞日炯不遐注我錦席生黃芽千年桃實如棗瓜

薦以雲液朱顏酡琅璈柯笛參靈鼉歲歲年年僂賞多

臘後登謫仙樓

任城城南樓突兀雪花飛後梅花出雲裏朔冰如白虹
東風旦夕來披拂金龜換酒憶當年鼙鼓幾曾驚醉眠
夜郎回望長安日濟水不到峩眉天鑑湖鯨月亦安在
但見黃河入滄海我來大笑歌陽春洪波渺渺開龍鱗

南園餞之醉中賦此

黃月溪太守歸自京師得脫風濤之險携酒往

神龍跋浪辭滄溟喜爾不逐長庚星豪談酌我紫瓊液
南園萬竹皆泠泠溪邊明月照飛鷺枕外白雲生翠屏
揭陽舟楫自今去柰此薰風蕭艾青

憶昔行賀陶中丞

昇平憶昔憲孝間阻兵惟有西甌蠻端溪以東盡樂土
桑柘陰陰連萬山江門談道集軒冕紫水黃雲多往還
都亭津頭萬家市明珠翠羽車班班東山去後崇者圯
新寧分疆亂未已鋤犁逐日化長戰蛟螭血人作流水

宮中未平呂太一閩外徒勞毛御史公來威德如東山
百萬疲癃一時起出師振旅不動塵胸次要與天為春
雷雨所到草木新光風淡蕩波龍鱗佐也支離栖病身
耕鑿今喜為堯民擊壤引領四海均誰云盜賊非王臣

醉歌贈王天與歸關中兼訊馬伯循

薰風吹酒耳雙熱笑看天地無秦粵清尊莫嫌琥珀薄
後夜珠江空素月珠江鬚驅軒轅邱金鰲威沓銀河流
乘槎羨爾汎牛斗直上駁函觀九州九州茫茫盡如此

昔日荒郊今日市百萬鯨鮀已京觀三千雞犬猶冠履
杜陽山前東逝波祁年宮中芳草多尋幽為訊三原縣
馬卿多病今如何

松巢為顏錄題

層冰磈礎風蕭瑟談玄邂逅歸根日若木朝來結紫霞
扶光夜轉成金液濟水逶迤環玉龍翩然獨立東蒙峰
丹邱黃石倘可遇浩歌與爾巢雲松

長短句古詩

月下酌李王二子歌

青袍白馬欵我扉綠蟻沾就霜螯肥長風送秋入燕樹
但見萬里銀蟾飛持螯酌酒向二子銀蟾弄我盃中輝
古來幾許歎圓缺今子不醉當無歸君不見王子喬君
不見丁令威雲間笙鶴去不返遼遼僂賞誰能希相逢
高歌且傾倒耳熱那聞今是非酒闌揮手一為別滿空
白露明秋衣

都門逢羨人行姚倅奎席上賦送陳叅政探韻

得高舉二字

都門柳絲青可繚
間關好鳥求其曹
羨人久矣入夢寐
笑揮結綠歌鳴臯
憶曾贈我金錯刀
欲往報之阻烟濤
雲裾月珮忽相見
冰雪一洗心煩勞
免園開尊延旆旄
春風淡蕩吹緋桃
觥籌凌亂絲竹動
燕笑不知明月高
泉陵別駕醉起舞
舞罷逡巡泪如雨
感恩自是門下人
殺身未報尊前主
當年人棄君獨取英雄
未遇多齟齬
劍埋楚國終作龍璞
售宋人何異鼠君
不見毛公薛公

誰與語風雲感會生毛羽平原之客徒豪舉

崑山謠送王子繩武歸省

崑山何在在婁江之湄江流浩浩其中石離離上有玉
樹樛其枝啼烏啞啞枝上栖烏啼不休江水移野風騷
屑明星稀江介有芳彼羨者籬艾而張羅子於何飛有
母今得奉餚糜有如清水白石長相依不能隨鴻鵠逐
逐稻粱空念飢天寒阻冰雪徘徊歧路尚將安歸

懷羅浮吟贈別何工部

我懷羅浮四百三十有二峰大朵小朵青芙蓉波汎溟
兮根鴻濛列華舒艷兮昭神工盤空承宇奠出萬象表
秀色直射彤雲東中藏號屏列缺豐隆時和吐霖雨歲
旱眠蛟龍麟為車兮鳳為馬僊之人兮紛菲菲其如叢
亦有太霞之洞古禹之宮琪花瑤草歷亂映晴昊鐵橋
流水光於虹鳴鶠欽鴟不敢翼而過往往神聖留靈踪
猗嗟走兮昔所幽栖乾坤造設待結宇日月照耀開璇
題一辭蕙帳走塵坌松花稼徑青猿啼水曹僊郎承紫

泥與爾詰別蘭臺西螺盃滿酌白玉酒牛鼎初熟黃金
鷄柳條吹絲綰白日醉聽驪轡當門嘶君今揚帆向我
望雲路我猶駐轍係籍通金闕風塵何蹴躋蔚蒼方朝
隣浮浮回極中頽波誰為湜羅浮望兮愁碧春萋萋歸
來歸來兮採瑩瑩以終日種芝其盈畦瓊糜雲波可
以供日夕胡為乎絆柴柂而久稽風驅離心滿烟樹月
照去路聞銅鞮臨岐執手何所道歸來歸來兮憑君為
我一訪舊日飛雲旆

桂之樹行為李宮諭壽母賦

桂之樹千萬年蟠根廣寒殿度影滄浪天黃金為堂璧
玉軒中有鬱儀羨蟬娟承日轂星躔朱萼翠葉不知
其所際直與若英扶木相延連孟秋蟾兔當三五光景
婆娑滿庭戶曲按鶯鳳酌鸚鵡任邱仙人壽其母母家
兄弟金綺光蓮水搖山映珪組四座歡聲撤綠霞玉繩
不動金波舞令汝齊光壽千萬鬱儀幽修月中語撫三
旌享千庚一任瀛河日東注君不見桂之樹

淡交行

瓊樓十二中天起弱柳崇桃鬪青紫魚鑰初開鶴蓋來
平頭奴子皆珠履主人愛客名謳出象琯鶡絃滿人耳
臚鷺膾鯉騰羽觴文笙黼帳春風裏當筵意氣何所如
以漆投膠差可擬舞罷陽阿花作陣歌殘子夜霞成綺
豈知戈戟在談笑回看堂上生荆杞雨雲翻覆噫吁嚵
前有張陳後蘇史君不見君子之交淡如水

六羊僊人歌贈方崇陵

君行南越復閩越邂逅凌江對秋月持觴不飲語甌窯
仰天大笑纓欲絕飄颻揮手凌紫烟騎羊抱月成飛儂
戲摘匏瓜解殘暑

匏瓜星名

織女黃姑皆粲然昔從九天謫

下土車駕前頭遇威武都人觀者如堵牆搖筆賦詩罵

平虜

正德中作車駕詩直江彬幾得詩禍

平虜敢嗔未敢言即麾鉢纏

登天門扣闔每逢虎豹睡墮地便作蛟龍蟠有時乘輶

向江漢忽然牧牛耕石澗仙乎仙乎豈無有眼底見君

能變幻今年騎羊來我州六十五日去不留亡鳥飛鳴

獨鶴舞空餘孤樹堂之幽帶圍有花開頃刻頃刻又作
黃金色前驅壺公後九鯉白日果能生羽翼只今五年
城下歌豐穰謂是五僊騎來曾降祥君來匝之頓成六
觸邪持法陳紀綱君不見獬豸稱神羊

賦得三神山壽翟侍郎母

三神山在滄海東燭龍照耀開儂宮璇題接天綴珠斗
萬疊瑞靄青濛濛下有弱流三萬里四時天樂空中起
仙靈來往翳鸞鶴梟窕霓幢鏡光裏蟠桃結實山之幽

蔽虧日月枝相樸金光瑤草莽成藪千載傳聞惟十洲
翟公本是東海客出入金鑾佐宗伯手斟元氣開陽春
家與仙靈連窟宅天門笑拂雲錦裳帝臺滿挹縹玉漿
持觴壽母北堂上願母壽比三山長御厨絡繹傳翠釜
玳筵合沓鳴蕭鼓生兒榮貴有如此詞林誰不羨公母
我亦有母天一隅一日不見心煩紆天邊未辨綵衣舞
雲外空傳青鳥書青袍白馬在羈旅目極飛雲送飛羽
為君高歌歌且長天生南北莫誰語丈夫碑兀宇宙間

緇塵浩浩彤朱顏顯揚自古貴不朽傑立遭時良獨難
不然採藥滄海上或騎騏驛恣往還君不見三神山

蜀道行送王侍講之四川叅政

蜀道平平如砥沃野烟縵亘千里岷江浩浩浮元氣劒
閣石門相向起錦官城中春意動玉戶金缸豔桃李耶
箇沽取不費錢醉唱巴渝滿山市比屋繁華漸非昔帝
遣詞臣振綱紀王夫子起鄒魯黼黻心胸炳如虎弱冠
排風見毛質石室蘭臺奉明主手持彤琯耀日月口授丹

書動雷雨邇來暫輶承明直紫綬金章茲土薇垣浩
嘯贊元化坐使蒼生有環堵君不見漢家使蜀稱三王
君豈其裔當傳芳格天自合有經濟諭俗不獨工文章
回車叱馭信忠孝碧雞金馬殊荒唐維舟三峽訪千古
噭噭青猿啼夜霜君不見浣花溪古霜楓赤洗墨池荒
烟草碧古來名勝乃如此往往江山盡陳迹丈夫立身
貴不朽百鍊精鋼萬鈞力他日調羹氣益振此別傳觴
醉何惜星車迢迢出蓬瀛問君何時朝紫清秋風吹衣

白露墮執手踟蹰空復情高梧參天鸞鳳集雄劍躍地
蛟龍鳴宮花院柳送愁色孤鶩落霞隨去旌玉壺酒盡
情難盡矯首長安空月明

驄馬行送劉憲伯喬

驄馬驅何悠悠月題染朱汗倏與飛電流昔驅長安陌
今在粵海陬外臺手執天子法兒能學語皆知劉翩翩
鳴珮覲帝旒祖筵衣冠盈道周酌金罍羅玉羞吹長笛
彈箜篌莫奏折楊柳清霜滿炎州

橘樂亭歌為蕭內翰

亭於何所名橘樂聞在潮陽山麓臨水國上有古木千
章宿猿鶴下有寒濤萬頃走蛟鰐主人誰歟乃是鐵峰
子平生意氣與我同洒落銀魚金馬棄如土世間何物
能羈縛君家兄弟總能文階前蘭玉香紛紛閒來尋此橘
中樂踈簾清簟忘朝曉竹暉入戶翠如電霞石映水賴
為雲長安回望正如奕文武衣冠安可聞有時蘭橈下
煙渚元鶴飛來聽人語鏗然黑白開兩奩荷葉蘆花不

知處觥籌凌亂混笙簫雕盤綺錯堆江瑤酒醒恭罷浩歌
發月墮空江生暮潮可憐紫陌塵凝面何事朱門候相
見衝泥冒雨走碌碌那似尊前且枯戰我聞橋中樂不
減於商山我懷商山皓枉用凋朱顏紫芝一曲振岩谷
漢廷車馬來追攀笑指雲與鳥出岫仍知還丈夫舒卷
要如此所樂豈必長在山水間

畫龍為劉吉卿題

吾聞后稷之孫驅魃赤水北密雲蔽天天為黑黯日麗

塵野蕭瑟帝呼董父鞭兩龍翻海作雨歲乃豐遂令四
海歌重瞳又聞夏禹之御郭文氏南駕兩龍歸后啟雲
蓋三重走萬里龍雖神靈乃為人所制不獨孔甲之時
有劉累劉生十年遊我門志向磊落似是累後昆手持
此圖開鬚牖堂上蒼蒼烟霧屯大龍昂首欲煦沫小龍
回顧如有言追軼似有疾霆電馬鬣冉冉天瓢翻海濤
倏已決下土元氣歛吸騰雲間方今西北邊塵起新禽
荐荒誰采芑明堂宵衣總為此桔槔無功衆芳靡鳴呼

董父郭支不可作劉累空餘豢龍水摩挲此圖欲招爾
爾勿面牆久依倚誰能駕之獻天子

碧梧丹鳳圖為黎侍御一卿題

鳳兮鳳兮爾來當何時知爾之德萬古長不衰不然上
天縱爾九苞羽安用翫翫為君不見桃蟲當日飛為鶻
眷令原上啼鴟鴟几几音嘵嘵室家恐為陰雨漂偃
禾風定杲日出岡上碧梧寒不凋爾於此時來和鳴叶
簫韶成王優游君爽喜卷阿為爾歌且謠鳳兮鳳兮披

圖對爾起三歎久矣不夢周公旦咸陽宮前多枳棘何
用屑屑悲秦漢

放歌行贈祁惟允

粵王古臺結衡宇八月芙蓉映霜渚饒州太守來舉觴
潛蚪躍波聽人語我何以語君曲肱之外多浮雲把玩
自怡悅豈必追隨鴻鷺群君何以語我陽春所施何不
可蓬蓽志四海豈必赤墀與青瑣眼中離合今十年世
濤呼沟胡為然丹楓葉脫白榆暮明發粵臺懷婺川婺

川本是羅施國笑謝雙旌入蓮幕石阡在昔登方岳洞
源况復承家學鵬徙何曾同燕雀且盡醲醴為君酌君
不見市上沽何處無生計轉大心易龐清謳不復聞當
壚

詠竹分得臨字

憶昔葛陂之龍匿山陰竭來珠海為瑤林我知神物固
莫測爾與天地皆無心凌冬載酒為爾來登臨擊節浩
歌懷古今渭川長竿在何處淇園萬矢空銷沉王侯事

業鵠鵠猶蹄涔况乃奔走隨朝簪爾雖無言動我臆琅
然答以清冷音湏臾萬壑縹緲皆龍吟耳熟謂是羲皇
琴翠光零亂日掛樹清影裊娜天橫參是時鶴臺仙客
同高尋瓊杯綺席依蕭森尊前對此萬蒼玉牀頭何惜
千黃金紫簫吹鳳直上層碧岑俯視淑氣聞踈砧天寒
袖薄暮相倚山川黃落那能禁嗟爾磊落不受烟霜侵
歲晚相看同素襟他年儻逐風雷去萬里滄溟空自深

送劉行人燦

進春酒陳雅詩惠而好我紛來思何以酌之金屈卮江
漢滔滔東以馳皇帝萬壽隆天基日重光海重潤前星
從帝出虜震皇華原隰電如迅黎元驩欣走相問絲綸
一日周百郡公之來金鞍玉節從燕臺公之去祥雲瑞
靄停荆樹彩衣燦燦升華堂蘭階蕙幄交輝光麟蒲薦
以縹玉漿曲裾長袂鴻鵠翔介爾眉壽天地長公之翁
黃金橫帶鴈繡紅公之姥魚軒珠翟錦為黼鵠絃鳳吹
參鳴鼈舉青玉案賡爾歌君臣協德玉燭和麟趾螽斯

仁且多舜日堯年柰樂何

九日粵山登高醉中盡用五微韻成歌題曰將

進酒

將進酒歌鏤衣舉玉爵停金鞶鳳琯龍笙碩人其頑于
以解憂式飲庶幾尊羨鱸膾紛哉翫蟹黃初溢鳬翠肥
促膝勸君君莫違君不見朝始暉夕轉霏魯陽戈在誰
能揮嗟爾烏丸胡為逐逐環我岩上扉童時種柳今十
圍釣游舊跡徧天地想像徒依稀幸無風蕭蕭雨祈祈

三秋雖云杪九日猶芳菲有翩者鳥嚶鳴相依盍簪實
難知音亦希相逢不為樂他時夢寐懷容輝粲粲黃花
盈盈翠微肅肅命駕采采忘歸仰見雲間翼不入虞羅
機安能摧眉折腰謁朱戶趨瑣闈踈鐘動明星稀酌復
酌酒行如翔翬不醉明月將笑我窺簾幙羊腸世路艱
且巍犧有妃妃呼豨狥以為蒼當譽反譏鵠鹹蓬茅叢
啼絡緯騰伊鹹此中觸體昔曾牙紛谷量牛馬塵積珠
璣僅奴策駿疾駢駢薰天勢倏成露晞縱能化鶴去千

載華表誰真逢令威南溟徙鵠鵬西山荒蕨微商顏絕
蘿逕渭曲空漁磯古來豪聖今盡非徒勞營魄聆音徽
窮經何用編絕韋我且濯明河而振纓翳扶光以樂饑
吐情向君君莫笑以誹醉來長嘯粵山上浮雲直北連
燕畿山中多木蠹蠹如旛其下流水活活清於沂粵王
一去古臺在惟有飄飄霜葉飛

泰泉集卷五

欽定四庫全書

集部

泰泉集卷六

七

詳校官給事中臣王鍾健

中書臣劉源溥覆勘

覆校官中書臣宋 鎔

校對官學正臣湯 垣

謄錄監生臣王寶唐

欽定四庫全書

秦泉集卷六

明 黃佐 撰

五言律詩

珠江夜別親友

祖帳循珠浦離杯對玉輪分襟移鷁首鼓櫂動龍鱗劍氣千年合風期萬里親祇應閑閣待今有漢平津

雨

膚手雲初起彌天雨正狂魚龍空窟宅草木各輝光奕

氣連南紀愁陰接上方故山青未了歸夢此宵長

對月二首

旅館維舟後江天入望時鬼蟾當北斗烏鵲繞南枝只
恐金波溢寧教玉漏遲火雲消已盡真覺近秋期

江月初成鏡山城獨倚樓徘徊如伴客浩蕩更隨舟陌
上清光滿尊前爛熳遊豈知離別後對爾轉添愁

舟度彭蠡遇風作

奔策遵元渚揚帆向紫都遙林吹地籟巨浪舞天吳匯

澤開長道風颸動壯圖扶搖自有適何必羨游鳬

京邸春日思家

金市乘羊路銅街試馬羣夜吟低霽月春夢斷浮雲上
已蘭英會新年栢葉醺斑衣今未拂休寄錦迴丈

南征詞六首

鳳野傳清蹕龍旌逼絳霄風雷隨鼓角日月耀金貂躍
馬宜春苑呼鷹織錦橋何如穆天子空賦白雲謠
月照牛山迥風飄鳳吹長從臣黃製祫歌妓錦為粧玉

輦栖蘿幌金鞭問竹房夜闌調虎撥知是奏霓裳
翠網張瑤浦黃旗漾碧流殷勤供廟薦蕭洒事宸遊御
氣通鮫室祥烟化蜃樓魚龍應自喜何敢負王舟

簇仗迎春至行宮向曉開日邊千騎合天上六龍來玉
笛吹楊柳珮凋鞍唱落梅共看毬拂笑歧路滿塵埃

柳暝金陵暮花搖玉帳春江淮明砲火闇闔梁塵秘
戲徵西域迷樓構北辰三千歌舞妓誰似掌中人

桂海停舟楫蓬山獻畫圖雲屯七萃甲風遞九關符進

酒龍衣濕藏闌旁繡呼雞人那復報乘月射平蕪

元日

四載逢元日悠悠燕冀間河山雙鬢短風雨一燈閑鳳
治隨恩澤龍墀整珮環辭家長素食真愧紫宸班

獨坐

獨坐禪扉迥懷歸思宵然花光明薄莫鶯語入新年絲
仗隨春動華燈與月懸絕憐風景美不是粵山川

暮春郊外

五日逢休沐千山得勝遊樓臺蕭寺廻花竹習池幽春事已黃蝶舊盟惟白鷗烟塵奔走地迴首意悠悠

月下贈張子文邦

獨榻依蕭寺清尊散暮愁踈鐘聞上苑片月在飛樓天地雙龍劍江湖一釣舟壯懷吾共汝搖落歲云秋

再次韻贈張子

長安木葉下蕭蕭生客愁夜寒空對酒雲澹獨登樓柳岸橫長笛花灘放小舟向來江海意淒斷為清秋

速張侍御補之同訪丈邦詩以代簡

秋風起閭闈渺渺獨愁予水落蒹葭冷天長鴻鴈踐蘭臺思楚客楓葉詠吳趨駢馬招携地琴尊信所如

廖子鳴吾秋日見懷次韻二首

吾愛白鹿子詩傳鸚鵡洲隋珠偏照夜宋玉最傷秋水綠芙蓉渚霜黃翡翠樓相看成去住徒爾賦離憂

知爾龍山飲憑高鳳野開日從燕樹轉雲自漢宮來目盡天南雁心飛江上臺杜陵空抱病瘦信獨生哀

彌羅閣秋望二首與馬子仲房

珠閣拂瑤天憑軒興渺然西風吹野水高柳送鳴蟬冠
蓋黃塵裏關河白鴈邊相逢且披豁隨意問元元

羽觀臨霄漢飈臺出薜蘿霞觴延客久琪樹受涼多日
色隱平楚秋聲連大河君看悵幽意吾醉即狂歌

秋日遊迎祥寺至玉泉與張楊趙陸四子同分

韻得松知二字

珠林開鷺峰下馬聞疎鐘紺殿已狐兔翠琰空蛟龍對

酒慷慨發褰衣霜露濃蒼蒼暮色動秋聲滿寒松
迢遞尋蓮宇淹留詠桂枝玉騮穿柳入錦席傍泉移山
翠浮龍苑雲光溢鴈池塵心今已淨應有白鷗知

中秋不見月文徵仲席上賦

明月隱天端踈燈耿夜闌浮雲飛不盡萬里若為看暉
落鵬霄迥先生鳳闕寒誰能天柱上吾意欲驂鸞

冬夜讌陳子學宅賞菊分韻得微字

黃菊冬猶艷清歌夜未歸興從添燭劇寒到引盃微宮

漏挾風度塞禽衝月飛物華容易盡心賞莫教違

新春

堯歷開元歲殷邦數中興苑花紅未入宮草翠先凝功業時看劍柄遲夜向燈匡扶在諸老貧病任相仍

中秋夜對月

作客驚秋半行歌對月明玉輪看桂滿銀浦見槎橫踈柳門牆靜高梧風露清此時裁謝賦千里一含情

素翁先生元日書懷次韻二首

許身齊稷契揮手謝巢由鵠起千人悅龍飛萬國休王
春隨聽履卿月照稽謀一任雲莊上鶯花鎖鷺洲
歸興憑誰語裁詩每自憐草青壺嶠外鷗白影池前淑
氣通嘉石祥飈洒列錢即看吾道在行止信皇天

迎祥寺後遊次韻四首

五載吾重到雙林路欲迷梯飈尋絕境拂翠見靈溪石
洞雲堪卧花宮鳥自啼遲回意無限歸騎及烏栖
輦轂環龍象耽遊未擬回金貂何處所珠鳥至今來芳

樹含青靄豐碑淨綠苔瓊簾自舒卷誰見化人開
沙柳明秋色烟蘿出梵香川原雙步屢感慨一持觴慧
日無人相慈雲不住方世緣如可度留宿遠公房

白馬闌三乘祥鷄運九衢乾坤經浩劫陵谷盡浮圖柳
徑涵川淨楓林帶蘚枯倦游仍立馬寒日動平蕪

舟中夜讌贈別胡蘇州

蕩櫓語深夜知君懷草堂微雲開震澤錦瑟奏伊涼颯
颯滿紅樹翩翩飛紫鳳曲終酒亦醉明日各殊方

虎丘懷古

寂寞吳王國
笙歌入海雲
夫椒先自敗
於越遂能軍
月落苧蘿冷
花深麋鹿羣
千年金虎去
誰守閨閣墳

贈別黃武進同年

武進仙島駐三年
報政成閻閻無復嘆
山水有餘清渺渺
舟楫去蒼蒼
霜月明停雲
時隱几
河漢欲三更

贈別韋評事歸靖江

抗疏甘南謫
知君不負丞
離情江上樹
聚首驛前燈
幽

谷歌鳴鳥天池息大鵬扁舟泛明月回首夢毘陵

得子彌月二首

犀果欣延客風塵慰索居老親期有後遊子敢無書賦
命由天地他年定智愚誰能識英物啼看問何如
定省心千里栖遲夢一邱冰霜仍作客江海更停舟去
去憐渠小呱呱解舊愁軒車那可問為爾重淹留

立春

野館依寒渚愁吟且未迴春從今日到花在故園閑白

雪裁仙調青雲捧御臺陽和不負客偏入掌中杯

雨木水正月二日作

野樹紛紛白連朝雨木水人情憐上朔天意望中興
梨雪風難起梨雲日易蒸春王調玉燭何事有嚴凝

洛河元夜

水國明釐火煙花接鳳城絕憐今夜酒空復異鄉情寶
馬嘶塵度銀蟾倚樹明客愁無處着況乃管絃聲

凍閑初發

萬里圖南翼達春始計程形雲辭魏闕綠樹出秦京鼓
柂江天豁流澌野岸平因風傳尺素應慰倚門情

河西午憩

水驛遠郊圻居然塵事稀酒席明柳市漁網集苔磯隱
几白日靜閑簾黃鳥飛行邊有林壑未覺素心違

天津雨中即事

幕府開三衛糧漕集萬艘人皆甘海錯吾且醉村醪潮
落洲隨出烟深岸却高衝泥走風雨端坐看兒曹

修復粵洲草堂經始桃源塢四首

草堂修舊業鑿翠向高城頰首嗟人境冥心謝世情山
從踈樹衆江入大荒平隱几雲霞裏翛然得此生
桃源初小築茅屋可衰翁井市錐刀外生涯一畝中喬
林聞獨鳥幽谷送長風朋好今如此清尊誰與同

日明花外路雨長竹間泉隔谷難逃俗依山自覺仙功
名歸墜飯宇宙入浮煙已悟逍遙化從今結靜緣
排闥分青嶂克庭盡綠柯歛神知日永高步覺天多返

照滿城郭孤煙生薜蘿到家三舍近塵土竟如何

送周秋齋方伯歸閩二首

珠江愁送客薇省喜留君車馬三城動謳謌百粵聞滄

洲難吏隱紫極易風雲去去吾何道甘隨麋鹿羣

南海瞻冠冕東風吹旆旌封棠無翦伐騎竹有逢迎春

舫隨花發秋容入鏡平

家有秋容亭秋鏡池

因思木蘭水端可濯

吾纓

六月二十日夢中作七夕詩覺而憶其全篇錄

以紀異

涼色晚幽幽
踈梧知早秋
古來傳帝子
今夕會牽牛
大澤生明月
蒼崖帶遠流
憑高語天上
何事有離愁

酌泰泉贈區廣丈

一勺泰泉水
水中涵千仞
青遠分舒鶴
渚寒帶聚龍
峒花竹添蕭
爽風雲助杳
冥看君蘇齒
頰為爾續茶經

宿靈川寄懷范大叅

性拙嗟無侶
交深賴有君
襟期珠海月
去住桂山雲黃

屋匡扶劫蒼生軫念勤靈川烟雨裏憂樂夢希丈

興安道中

放浪滄洲客遲迴桂水春密雲虛礙馬芳草遠隨人野
閣啼鶯樹山多佩犧民戍歌愁聽汝荒服幾時新

卧病二首

卧病梧山曉懷歸菊徑秋淒風催葉下積雨入江流遂
有鱸魚興聊為鴻鴈謀飄颻寄生事天地一扁舟
長笛送愁思孤琴隨病身鴉翻中夜月鵠報故鄉人千

里庭闈夢十年歧路塵悠然念黃綺誤逐漢廷臣

寄懷徐養齋方伯

多病朋簪盡他鄉意緒孤梧江通百粵桂嶺隔三吳
歸鳥擇雲木游魚依渚浦何時同孺子高枕著潛夫

江村書舍為滇人魏德如賦

勲業看朝鏡詩書伴夜檠下帷芳草色閉戶遠潮聲飛
躍形吾道漁樵樂此生鯤鵬終變化滇國本南溟

控海樓有懷徐可大

金匱月令 卷六
南州徐孺子落筆滿人間江上笑為別天邊去不還高
樓題控海此日獨看山尚憶危言日投簪且閉關

厓山紀遊次鄭李二子韻二首

歲晚空山靜遙聞猿鶴音膠丹前日事傾蓋此時心漁
歌乘潮急樵歌隱霧深停盃發高詠興劇不成斟
夕陽惟鳥雀古道半榛荆蠹飽祠中木苔侵石上銘英
靈終寂寞風物自淒清仰羨東山老勞歌空復情

泰泉山中贈倫王二子

金澗遶清林瑤空出翠岑烟霞供永嘯松竹入長吟春
度鶯猶在杯香客每深隨時共幽賞吾未倦登臨

草堂避暑四首

林壑藹蒼蒼層厓曲抱塘閑門蛙鼓競歌枕鴻鈴長霞
珥混斜照炎威速大荒冥心對鷺鷺將爾共滄浪

隱几消永日薰風搖紫微釣簾一以眺綠水近岩扉嗒
爾烟光夕居然塵事稀翩翩松上鶴遙帶白雲歸

感嘆延清籟長謠集緒風嶺雲偏向北鬱水亦流東地

功三邊戍天開萬壽宮飛仙挾明月應得到崆峒

時聞車駕

上陵

徒倚碧氛氲行歌許鶴聞翦茅通月色攢石聚霞光
裊竹到水喧喧鐘度雲悠然頬虛世天外自為羣

人日雨霽出門志喜

王春聽舊雨人日見新晴萬戶笙歌沸千山紫翠明和
風勻柳色淑氣入鶯聲所喜青陽動休嗟白髮生

穀日陳茶山少叅席上賦

穀日過從喜薇垣禮數稀杯深花共勸坐久月同歸南
海樓船靜東吳粳稻肥使君能化俗未許問漁磯

喜雨次陳茶山韻二首

歎歲初逢雨隨車且澤民小樓聽到曉幽谷見回春燕
雀依巢靜魚龍出浪頻滄洲理煙艇蓑笠定隨人
吾愛茶山子吳謳播粵民簷聲繞入夜野色盡成春水
漸浮舟濶花堪對酒頻向來雩禱切天果不遺人

粵臺懷古四首分韻得幽字

勝地經秦漢高臺近斗牛片雲浮鬱水孤月滿靈洲事
往市朝變秋來林空幽霸圖何足問吾得采真遊

歌舞何人在襜帷此日留長江涵楚越遠樹入燕幽傾
國嗟摶女提兵憶路侯絕憐張樂地斜日下羊牛

對酒烟霞晚裁詩天地秋坐聞松籟迥行愛桂岩幽大
澤龍蛇遠荒臺鹿豕遊向來南海尉辛苦事羸剝

南武河山在北窓花竹幽羲皇吾所傲秦越爾何尤紫
氣通三極滄波帶十洲悠然閑塵世高枕白雲秋

白蓮次韻陳天游二首

丘壑舊同賞瓊琚新報詞岳雲增野色郢雪助芳姿枝蔓勿復道繙塵非所期悠然夢商皓千載慰相思

懿爾泥不滓况茲清且漣洛神終有恨越女不成妍氣
奔星榆曉光含露藻鮮鈎簾渾未起宿鷺亦相憐

草堂夜坐四首

浪迹少城隈衡茅向水開閑門青嶂合卷幔白鷗來地
僻清虛洞天高元覽臺坐聞松籟起竟夕思悠哉

越臺舒嘯罷燕樹去人遙寓目成今古冥心謝市朝枝
間烏鳥樂隴上白雲飄瀟洒不知晚空江自落潮

性癖羣魚鳥家貧足蕨薇偶尋瑤草去時共暮樵歸野
色入河漢鐘聲連翠微雲鵬有奇翼不為稻梁飛

雲卧開丹牖瑤天四望通虞紱徒解阜楚客謾雌雄萬
壑收虛籟千林息斷蓬何當秋色裏一葉詠梧桐

哭崔南甫二首

執業越三載蓋棺悲仲春豈知吾未老空慟爾為人亭

伯夙工賦原思甘食貧慰親能不死天與玉麒麟
芹泮始于邁舞雩頻詠歸倚筠瞻壽閣紓總掃茲幃水
自三山逝雲依雙鶴飛夜臺終宿草知爾戀春暉

絳桃

手種絳桃樹今成滿院春垂垂堪繫馬脉脉似懷人綠
水浮天鏡紅霞隔世塵向平卑婚嫁好在武陵津

元夕次梁子韻二首

粵山依靜渚陸海沸青宵火樹流丹瓊芳郊拾翠遙驟

驛風外轡空月中橋向晚游塵寂猶聞鄉澤飄
五夜軒車密千門景色賒金波依樹渺銀浦逐城斜炬
合疑朝旭杯分似晚霞艷陽桃李在休唱落梅花

春日元覽臺獨坐偶成

為愛春臺好逍遙到日曛栖神隨豹霧矯翰謝龍雲水
自靈洲入山從粵井分無論奉與勺天地本同犀

風磴紆盤鬱雲蘿出沈寥日垂天北極春動粵南潮松
籟傳虛壑鶯歌赴遠簫悠然澹忘味何必更聞韶

下上茅皆屋東西竹亦垣城標雙塔短岡擁一旗尊林
密鳥巢隱風低蛙吹繁稀跡見畦畛真學邵平園

稍稍東風起臺前洲渚明竹光搖野色花氣潤蛩聲北
斗依身近南溟入掌平栖栖何所適孤嘯一含情

次韻梁應房園居四首

青林依灞隈翠牖向東開大澤龍猶卧長安日自來濯
纓疏鬱水挂笏對朝臺嘯傲浮雲外雄圖安在哉
攬轡漳南靜彈冠薊北遙驛歸別墅鶴鷺夢清朝野

水疑天咫秋花憶雪飄衡門繫舟楫知爾待風潮
水上誰家月山中幾度薇坐憐秋色半吟待莫禽歸風
定松聲合雲深竹逕微相遇吾所願疲病興如飛

卜築青門勝雲山紫邇通蕭條同杜甫寂寞異楊雄日
月雙飛鳥乾坤一斷蓬玉衡如可協將子共絲桐

夢中作

丙申十月

南斗鍾人傑中朝起帝臣日明鸞鳳署風靜犬羊廬道
以無為大功存不宰神掖垣花萬樹無語自成春

送梁僉憲應房之貴州次韻二首

脉脉懷燕北行行度楚西地連丹水闊天入翠屏低奮
迅看鵬翼驂驛送馬蹄未湏談貴竹吾意在蒸黎

秋星垂馬首北斗映南箕鳥靜粵山晚天寒湘水微窺
園因伐木抱甕本忘機悵別蓬門下西風吹汝衣

悼幼兒在貞二首有引

在貞以丙申八月十二日生妾林出也術者
謂其格甚奇始予感異夢有人贈以黃裙朱

書狀元入三字其上付林服之既而在貞生
容貌端正性甚靈慧呼嫡母為母而姊其生
母甫及七月能聽二兄讀書識一二字每立
必依二兄膝不敢仰視人甚憐之或取綠花
及羽植諸案卓四端如樹焉人莫能為也四
齡暴病血痢僅七日以今正月九日死死時
猶挽其生母裾襟若訣別然嫡母亦慟哭之
豈向夢世謂狀元紅正血痢之兆耶抑予數

奇不能育也埋之笏園天方寒雨曉起見練
羽雜土灰中哀不能已為賦二詩

四齡虛度世七月早知書當日依兄膝危時挽母裾笏
園埋白玉蘭砌隕明珠拭淚看天地傷心汗血駒

汝慧言難盡吾衰情易哀黃裳空兆夢綵羽竟成灰曙
色連鴉起春寒逐雨來不堪心寸折淚盡更徘徊

子陵釣臺次馬憲副韻

丈叔資為理狂奴豈不勝高風魯國釣斜日漢家陵鼎

足歸侯霸糟糠愧宋弘羊裘見幾去龍德至今稱

濟寧館與孟太僕同年共酌

清濟風濤靜堅冰日夕深燕臺千里夢魯道百年心竹葉浮螺筭梅花落鳳琴元夕堪縱酒白首得知音

五言排律

贈江鍾石中丞

微省聲華久楓廷寵渥新鵬搏持憲節虎變起儒臣日月纏雄劍風雲擁要津直將炎海澤散作塞垣春雪嶺

遙連晉葱河近逼秦天驕雖匪如廟略正如神昔者分
符竹恭惟督泮芹去思曾欵欵來學各駢駢匡濟才驚
代旬宣政絕倫壯猷端許國直道每褪身聲送潘輿近
威行衛幕勻舉援當此日歌頌更何人八座鴻應漸三
旌蝮轉仲蹇予隨赤管正爾奉清塵

輓丘侍御母

汾水揚慈教閨山見女宗憂勤朝弋鴈諱切夜九熊密
密衣間線行行道上驄離飛猶有集川逝更無窮筭泣

交加翠蕡嗟委墜紅臺鳥向明月時為喚悲風

送九江杜通判

杜曲傳千載韋經守一牕徽聲馳北戒新命佐南邦視
篆璵朱綏飛書出皂幢羣峰浮鹿洞九派接龍江日下
華輶發風前疊鼓辭臨岐何所道珍重錦韜杠

送張允清守濟寧

宛洛邅吾道風塵笑此生昔曾同客味今乃送君行冉
冉柳枝碧蕭蕭班馬鳴揮觥臨祖席飛幘問王程燕樹

當齊盡河流到濟清一麾知不忝霄漢聽蜚聲

秋日趙信臣席上詠夏菊分得纖字十八韻

開席來金馬濡毫注玉蟾蕭晨紆勝引逸興角精嚴浙
浙風生座依依日轉簷曲中芳樹淨天外綺雲纖老幹
偏宜石竒姿不避炎裳蕤黃競艷芻葉翠交尖釐闊高
霞暎鶴池細雨霑香通縹玉液清奪水晶鹽紱佩哀湘
屈餐英效晉潛只今營斗粟徒自擁帷襜世事燈前劍
心期架上籤牖開懷斧戾隅泣軫問閭荆璞難為韞吳

刀未試鈷鯨魚終碧海鸚鵡亦紅甜抱拙斬天遇耽幽
任俗嫌空羣憐逐驥知已願成鶴霜吹俄欺秋珠光漸
近簾相逢湏適意吾敢賦厭厭

壽簡封君

縣圃乾坤大康衢日月長仙方元不老帝力正相忘皤
髮明鳩杖童顏醉鶴觴安車花柳逕擊壤水雲鄉菊對
金章艷蘭交玉珥行鳳毛鳴盛世芳角立岩廊歡動弧
南彩情深冀北望白雲如會意終日自悠揚

宿劉諫議黃祠

諫議祠堂在栖栖托泮林雨垣春蘚合風柳莫蟬吟溢
浦天何遠沙河水自深獸爐浮勁氣虬箭遞徵音社稷
誰能奠經綸爾獨任毀方難入彀晞古合投簪桑海時
應變桃源路可尋炎荒終棄置幕府始浮沈官府分南
北興亡共古今吐言扶白日回首破曾陰牢落千年夢
淒清此夜心停鑣休遠躅呼酒滌煩襟宿鳥喧雲堞飛
鴻掠月岑廣陵有餘恨非直雍門琴

嘉靖丙戌郊祀慶成侍宴有述八十韻

五載精禋日三靈錫美時東皇初出震北斗正臨箕煦
嫗函元氣網緼運太儀奉常稽令甲宗伯闡宏規扈閣
人文煥容臺禮敷知馨香非黍稷蘭栗實牲牷象性陶
匏具依神藻殊為澤宮常選士補廟夙謀邇齋沐神如
在端凝敬自持太羹調太鼎明水辨明齋衣桁回茲桂
盤飧折露葵閭閻開秘殿莫莫護飛棟魄寶崇穹昊歸
藏協地祇百神將受職二后並開基作對紛純黼升中

共泰墳天門何蕩蕩帝蹟更熙熙承守方東廓中壇自
列旆青葱森玉樹蟠略秀金支有瞽皆師曠無工不巧
僕宿縣龍冀作馭路虎賁馳萬乘鳴鑾出十官委珮隨
星辰歸劍履日月下旌旗鶩鼓雍容伐鶩簫縹渺吹孔
旛翻格澤壁壘走鼈夔隊擬鈞陳列聲逾鸞律擁蒼蚪
銜玉軟彩鳳翳華芝畫戟叢猶植周盧布似碁九闢嚴
虎豹七萃奮熊羆漸覺天威邇相看日色遲班行分鵠
立匡衛結魚麗駐輦聞王夏趨庭奏采茨駿奔咸有恪

虧至摠無遺靜揆冥冥景深存黝黝思元圭端極拱朱
火粲星離鳬氏鳴春律雞人唱曉曦象馴環日轂驥集
簇雲螭琮璧交輝膜樵蒸待配藜僊官澄碧落天樂動
黃麾軒冕繁璿藻垂衣蠹玉綦登歌無白雪疏越有朱
絲衍衍承雲舞皇皇就日姿空桑依大卷孤竹倡咸池
肝鬱知何許居歆諒在茲燔柴明遠漢埋瘞及宋紙遺
炮銷田燭浮埃靜路歧天迴魚鑰啓雷動鳥旗移鰲抃
連三極鴻恩徧四夷饗神蕪夏姒類祀法虞媯白帝卑

秦時黃郊陋漢祠上元昭降假下土受蕃釐慶洽需雲
宴懽同湛露詩克厨傳蓬脯鷄飲薦嘉脾百味銀鑿疊
千牢綺俎披紫霞漿勝玉元圃菜如飴駕鳳花扶戾驂
龍柳拂羈羽林盈陞陛旛繡服耀軒墀日麗芙蓉闕風清
翡翠帷闢門來輔弼通籍引丞疑雉扇黃金幄麟軒白
玉達五侯先在列百辟各攸司御氣通瑤席宮花散彩
枝鶴行霑聖渥虎拜感皇私楓陛宣酬勸蘭觴示惠慈
銗金尊帝德銷玉合坤維晨露翻柔瑟鈞天起翔輶華

冠重岌業錦臂爛葳蕤虹辯天魔髮蛾揚玉女眉都盧
方叟鑠曼衍復踐距海宇歌仁洽鞮鞚舞德綏八珍仍
絡繹九籥詎參差諦聽金陵曲元非璧月詞皇天曾燕
及謨烈有鴻垂莫以龍顏喜渾忘虎尾危本朝真舜禹
吾道在臯伊禮峻崇簪紱心銘建鼎彞聯鑣歸月夕奮
翼赴風期周雅祈天保虞謨儼日孜鸞情馳禁築鳳想
入眾恩喜色融山野榮光澹海涯摛毫頌元化萬物已

革滋

嘉靖丙戌元宵燕集分得銀字賦二十韻

帝城三五夕明月麗芳春玉宇澄暉早金樞泛灔新香
車騰桂苑緹騎出楓宸陸海魚龍混天闢虎豹馴烟花
連鳳野簫鼓動洪鈞樂事還同衆清光故可人弄芳珠
作珮步玉錦為茵寶炬交蟾影瓊奩並兔輪風迴歌舞
地香拂綺羅塵靃綠浮燕樹星毬射漢津情隨虬箭曉
興與鶴觴親對此開文會因之仰德隣影纓三益至揮
翰四筵陳淑氣回形琯清歌盡白蘋音徽嗟爾闇契合

道吾真鳬藻人爭羨驪珠世共珍花邊青玉案柳外紫
綸巾雲戶低圓壁虹橋掩寸銀赤霄繁健翮滄海足潛
鱗共沐恩波洽追歡莫厭頻

游金山次劉太守士奇韻

寶地紓元覽唯途擁梵僧風烟千里合江海一桴乘樹
色依山見雲光帶雨升象溟迷浴景龍鉢變炎蒸望闕
頻回首憂時更拂膺淒涼非楚客蕭瑟問吳綾

次日游焦山復和同遊劉太守韻

玉嶼凌空迥。金山入望斜。
乾坤分砥柱。日月送浮槎。
鶴塚空烟水。龍宮自雨花。
丹楓明遠浦。白鳥失晴沙。
劫皆成幻征。途未有涯所。
欣陪五馬來。此聽三車。

送翁少參歸蜀

北上曾傾蓋。南歸但倚樓。
旬宣臨粵土。俊傑起瀘州。
菽水情偏共。蘭金分亦甘。
為清淨退真脫。網羅求奉檄。
緣家食懸車。謝國謀人歌。
棠所爰天照柏。為舟白洞開。
三徑黃花傲九秋。潘輿馳燕喜。
鄖酒侑鸞詔。寶岫雲隨。

望支江月映流羨君從此去扶病賦離憂

中秋遊揚歷岩二十韻奉謝鄭南雄

旅客逢秋半重岩望日邊風江連楚粵雲樹極幽燕笳
鼓循洄發旌旛陟巘瞻境推揚歷勝人喜鄭莊賢鶩嶺
開金地龍潭際碧天崖含蘿幌狹磴轉竹房偏裊綴云
何卉高垂不記年竒音聞素濕秀色映平田萬象皆超
忽千峰自蜿蜒嶺梅遙度馬堤柳競鳴蟬虛籟笙簧合
中軒錦繡懸清歌螺梵外妙舞鳥巢前轍逐朱旛駐杯

從翠袖傳傍泉移綺幕拂石列瓊筵
膜旋靈曜陶陶象帝先冥心忘泡影
握手問真源北去浮鳴鴈南流
跕斷鶯澗花寒未落雲確晚相喧步壑璇霄迥歸途
望月圓何由窮絕頂直欲挾飛仙

庚子孟冬恭遇千秋令節賜宴賦二十韻

燕翼年方楙虹流月始陽發祥開鶴藻稱壽舉麟觴
德瑤山重蒙泉少海長聖歲承敬一神器副元良矯迹
崇賢衷含毫翊善傍漢莊言益敏夏啟道彌光元轡驂

龍象丹幢引鳳凰鵠輿猶玉裕雞戰更金相碩輔來蘭
殿英寮集桂坊壽銜齊抃舞華闕儼趨蹻金砌烟花繞
瓊筵錦繡張殷梅調鼎羨堯羹助羹香翠蓋傳中使黃
封出上方座依紅日永杯逐綠雲翔自愧冥鴻羽仍隨
振鶩行游雷期有則明兩祝無疆既醉緣霞紫無言感
昊蒼遙迤歸玉署彷彿度銀潢萬國懽聲動千官喜氣
揚霑恩何所似豐草露瀼瀼

庚子二月入京述懷四首

釋耒回觴沿驅車入鳳城日明新闢苑春滿舊蓬瀛珠
樹森元極瑤壇槩紫清踟蹰思無限惟願泰階平

赤帝驅胡地蒼姬奠鼎年仁涵繁露外禮經慶雲渥瀟
棘懸孤壘臯蘭控萬弦詞臣頻獻頌誰敢勒燕然

白首承明直回翔十五春花前仙掌露柳外屬車塵鶴
簾開青幌螭坳侍紫宸侯朝清不寐瞻望月重輪

袞職云無闕徒聞上諫章地分青瑣闈天隔白雲鄉鳳
藻傳東閣龍暉接少陽所希吾道泰千古說黃唐

移居春坊詠庭檜

叢桂靄深秋蒼霞爛不收霜鬚臨玉澗秀色帶崑邱
拂檻光風入紫窓壁月留恍然江海上飛躍有靈虬

秦泉集卷六